

撫

言

冊

一

卷一

七

七

撫言

四時雜要

四部備要

史部

上海中華書局據學津討

原本校刊

桐鄉

陸費達總勘

杭縣

高時顯輯校

杭縣

吳汝霖監造

丁輔之監造

欽定四庫全書提要

唐摭言十五卷五代王定保撰舊本不題其里貫其序稱王溥爲從翁則溥之族也陳振孫書錄解題謂定保爲吳融之壻光化三年進士喪亂後入湖南五代史南漢世家稱定保爲邕管巡官遭亂不得還劉隱辟置幕府至劉龔僭號之時尙在其所終則不得而詳矣考定保登第之歲距朱溫篡唐僅六年又序中稱溥爲丞相則是書成於周世宗顯德元年以後故題唐國號不復作內詞然定保生於咸通庚寅至是年八十五矣是書蓋其暮年所作也同時南唐鄉貢士何晦亦有唐摭言十五卷與定保書同名今晦書未見而定保書刻於商氏稗海者刪削大半殊失其真此本爲松江宋賓王所錄末有跋語稱以汪士鉉本校正較稗海所載特爲完備近日揚州新刻卽從此本錄出惟是晁公武讀書志稱是書分六十三門而此本實一百有

三門數目差舛不應至是豈商濬之前已先有刪本耶是書述有唐一代貢舉之制特詳多史志所未及其一切雜事亦足以覘名場之風氣驗士習之淳澆法戒兼陳可爲永鑒不似他家雜錄但記異聞已也據定保自述蓋聞之陸展吳融李渥顏堯王溥王渙盧延讓楊贊圖崔籍若等所談云

唐撫言目錄

卷一

統序科第

貢舉釐革并行鄉飲酒

會昌五年舉格節文

述進士上篇

述進士下篇

散序進士

兩監

西監

東監

鄉貢

廣文

兩都貢舉

試雜文

朝見

謁先師

進士歸禮部

卷二

京兆府解送

元和元年登科記京兆等第榜序

廢等第

置等第

府元落

等第末爲狀元

等第罷舉

爲等第後久方及第

海迷解送

爭解元叩貢院門求試後到附

得失以道

恚恨

卷二

散序

謝恩

期集

點檢文書

過堂

關試

謙名

今年及第明年登科

慈恩寺題名遊賞賦詠雜記

卷四

節操

與恩地舊交

師友

氣義

卷五

切磋

以其人不稱才試而後驚

卷六

公薦

門生薦坐主
師友相薦附

卷七

起自寒苦

不第卽
貴附

好放孤寒

升沈後進

知己

卷八

通榜

主司撓悶

陰注陽授

夢

聽響卜

自放狀頭

遭遇

友放

誤放

憂中有喜

爲鄉人輕視而得者

以賢妻激勸而得者

已落重收

放老

及第與長行拜官相次

別頭及第

及第後隱居

入道

卷九

防慎不至

誤掇惡名

好知己惡及第

好及第惡登科

敕賜及第

表薦及第

惡得及第

芳林十哲

四兇

卷十

載應不捷聲價益振 海敘不遇

韋莊奏請追贈不及第人近代者

卷十一

反初及第

反初不第

無官受黜

薦舉不捷

已得復失

以德報怨

惡分疎

怨怒慙直附

卷十二

自負

輕佻戲謔嘲詠附

設奇沽譽

酒失

卷十三

敏捷

矛盾

惜名

無名子謗議

卷十四

主司稱意

主司失意

卷十五

雜記

條流進士

閩中進士

賢僕夫

舊語

切忌

沒用處

唐撫言目錄

卷十一

唐撫言謂壯觀不須入世升告

唐撫言謂壯觀不須入世升告

唐撫言謂壯觀不須入世升告

唐撫言卷一

五代 王定保 撰

昭文 張海鵬 校

統序科第

周禮鄉大夫具鄉飲酒之教考其德行察其道藝三年舉賢者貢于王庭非夫鄉舉里選之義源於中古乎夫子聖人始以四科齒門弟子後王因而範之漢革秦亂講求典禮亦解循塗方輟以須賢俊考德行則升孝廉而激浮俗掄道藝則第雋造而廣人文故郡國貢士無虛歲矣繇是天下上計集于大司徒府所以顯五教于萬民者也我唐沿隋法漢孜孜矻矻以事草澤琴瑟不改而清濁殊塗丹漆不施而豐儉異致始自武德辛巳歲四月一日敕諸州學士及早有明經及秀才俊士進士明於理體爲鄉里所稱者委本縣考試州長重覆取其合格每年十月隨物入貢斯我唐貢士之始也厥有沿革錄

之如左

貢舉釐革并行鄉飲酒

開元二十五年二月敕應諸州貢士上州歲貢三人中州二人下州一人必有才行不限其數所宜貢之解送之日行鄉飲禮牲用少牢以官物充

會昌五年舉格節文

公卿百寮子弟及京畿內士人寄客外州府舉士人等修明經進士業者並隸各所在監及官學仍精加考試所送人數其國子監明經舊格每年送三百五十人今請送三百人進士依舊格送三十人其隸各明經亦請送二百人其宗正寺進士送二十人其東監同華河中所送進士不得過三十人明經不得過五十人其鳳翔山南西道東道荆南鄂岳湖南鄭滑浙西浙東鄜坊宣商涇邠江南江西淮南西川東川陝虢等道所送進士不得過一十五人明經不得過二十

人其河東陳許汴徐泗易定齊德魏博澤潞幽孟靈夏淄青鄆曹兗
海鎮冀麟勝等道所送進士不得過一十人明經不得過十五人金
汝鹽豐福建黔府桂府嶺南安南邕容等道所送進士不得過七人
明經不得過十人其諸支郡所送人數請申觀察使爲解都送不得
諸州各自申解諸州府所試進士雜文據元格並合封送省准開成
三年五月三日敕落下者今緣自不送所試以來舉人公然拔解今
諸州府所試各須封送省司檢勘如病敗不近詞理州府妄給解者
試官停見任用闕

述進士上篇

永徽已前俊秀二科猶與進士並列咸亨之後凡由文學一舉于有
司者競集于進士矣繇是趙儻等嘗刪去俊秀故目之曰進士登科
記古者閭有序鄉有庠以時教行禮而視化焉其有秀異者則升于
諸侯之學諸侯歲貢其尤著者移之于天子升于太學故命曰造士

然後命焉周禮大樂正論造士之秀者以告于王而升諸司馬司馬
辨論官材論進士之賢以告于王者而定其論論定然後官之任官
然後爵之位定然後祿之若列之于科目則俊秀盛于漢魏而進士
隋大業中所置也如侯君素孫伏伽皆隋之進士也明矣然彰于武
德而甲於貞觀蓋文皇帝修文偃武天贊神授嘗私幸端門見新進
士綴行而出喜曰天下英雄入吾彀中矣若乃光宅四夷垂祚三百
何莫由斯之道者也

述進士下篇

元和中中書舍人李肇撰國史補其略曰進士爲時所尙久矣是故
俊乂實在其中由此而出者終身爲文人故爭名常爲時所弊其都
會謂之舉場通稱謂之秀才投刺謂之鄉貢得第謂之前進士互相
推敬謂之先輩俱捷謂之同年近年及第未過關試皆稱新及第進士所以韓中丞儀嘗有知聞近過關
試儀以一篇紀之曰短行納了付三銓休把新有司謂之座主京兆
銜惱必先今日便稱前進士如留春色與明年

府考而升者謂之等第外府不試而貢者謂之拔解

然拔解亦須預託人爲詞賦非

謂自

將試各相保謂之合保羣居而賦謂之私試造請權要謂之關

節激揚聲價謂之還往既捷列名於慈恩寺塔謂之題名大燕於曲

江亭子謂之曲江會

曲江大會後亦謂之關宴宴後同年各有所謂之爲離會

藉而入選

謂之春關不捷而醉飽謂之打毬耗匿名造謗謂之無名子退而肄

業謂之過夏執業以出謂之夏課

亦謂之秋卷

挾藏入試謂之書策此其

大略也其風俗繫於先達其制置存于有司雖然賢者得其大者故

位極人臣常有十二三登顯列十有六七而元魯山張睢陽有焉劉

闢元脩有焉

散序進士

進士科始於隋大業中盛於貞觀永徽之際縉紳雖位極人臣不由

進士者終不爲美以至歲貢常不減八九百人其推重謂之白衣公

卿又曰一品白衫其艱難謂之三十老明經五十少進士其負偶儻